

文山集

文

山

水

宋丞相文山先生全集卷之十三



予指南後錄第一卷起正月十一日賦零丁洋第二卷
起八月二十四日發建康今第三卷蓋自庚辰元日爲
始文山履善甫序

元日 庚辰歲

鐵馬風塵暗金龍日月新
衣冠懷故國鼓角泣離人
自分流年晚不妨吾道春
方來有千載兒女枉悲辛

正月十三日

去年今日遁崖山望見龍舟
咫尺間海上樓臺俄已變
河陽車馬不須還可憐
羝乳煙橫塞空想鶻啼
月掩關人世

文山全集 卷之十三
流光忽如此東風吹雪鬢毛班

上元懷舊

禁門三五金吾夜回首青春忽二毛池上昔陪王晏宴斗
中今直貴人牢風生江海龍遊遠月滿關山鶴唳高夢到
鈞天燈火闌依然彩筆照宮袍

先太師忌日

太師忌汗漫二紀似跳丸弟妹俱成立家鄉忍破殘衣冠
晨月暗墳墓夜風寒萬里逢先忌無言把淚彈

遣興

一落顛崖不自由春風相對說牢愁稚驢黑月光中吼饑

鼠青燈影下遊豈料乾坤成墜甌始知身世是虛舟遙憐
海上今塵土前代風流不肯休

四月八日

今朝浴佛舊風流身落山前第一州
賴上瑤桃俄五稔海中王果已三周
人生聚散真成夢世事悲惟一轉頭
坐對薰風開口笑滿懷耿耿復何求

夜起

夢破東窓月半明此身雖在只堪驚
一春花裏離人淚萬里燈前故國情
龍去想應回海島鴈飛猶未出江城
客愁多似西山雨一任蕭條白髮生

端午感興

千金鑄鏡百神愁功與當年禹服侔
荆棘故宮魑魅走空餘楊子水東流

當年忠血墮讒波千古荆人祭汨羅
風雨天涯芳草夢江山如此故都何

流棹西來恨未銷魚龍寂寞暗風潮
楚人猶自貪兒戲江上年年奪錦標

見艾有感

過眼驚初夏回頭億晚春已憐花結子
又見艾爲人故國卅心老中原白髮
新靈脩那解化清夢楚江濱

自歎

綠槐雲影弄黃昏
月照牢愁半掩門
一片心如千片碎
十分鬚有二分存
沙邊黃鵠長回首
江上杜鵑空斷魂
豈子溷人漫不省
紅纓白馬意軒軒

七夕

大地風塵惡
長天歲月奔
憂來渾是感
夢破與誰言
綵鶴空回首
河牛暗斷魂
吾今拙又拙
無復問天孫

有感

丁丑歲八月十七日
家火陷今恰三周而予在行
旣十閱月矣有感而賦

平生心事付悠悠風雨燕南老楚囚故舊相思空萬里妻
孥不見滿三秋絕憐諸葛隆中意贏得子長天下遊一死
皎然無復恨忠魂多少暗荒丘

感懷

已卯八月二十四日予以楚囚發金陵十月一日至
燕越五日懼狴犴今爲庚辰中秋後九日感懷四十
字

去歲趨燕路今晨發楚津浪名千里客剩作一年人鏡裏
秋容別燈前暮影親魯連疑未死聊用托芳塵

哭母大祥

九月七日先母夫人大祥之辰某爲子不孝南望嗚咽爲哀章一首

前年惠州哭母歛去年邳州哭母暮今年飄泊在何處燕
山獄裏菊花時哀哀王化如昨日兩度星周俄箭疾人間
送死一大事生兒富貴不得力祇今誰人守墳墓零落瘴
鄉一堆土大兒狼狽勿復道下有二男并二女一兒一女
亦在燕佛廬設供捐金錢一兒一女家下祭病脫麻衣日
晏眠夜來我夢歸故國忽然海上見顏色一聲鷄叫淚滿
床化爲清血衣裳濕當年婆緯意謂何親曾撫我夜枕戈
古來全忠不全孝世事至此甘滂沱夫人開國分齊魏生

文山全集 卷之十三 四
榮死哀送天地悠悠國破與家亡平生無憾惟此事二郎
已作門戶謀江南葬母麥蒲舟不知何日歸九骨狐死猶
應正首丘

哭妻文

烈女不嫁二夫忠臣不事二主入上地下惟我與汝嗚呼
哀哉

重陽 庚辰

飄零萬里若爲家一夜西風吹鬢華祇有新詩題甲子更
無故舊對黃花

江南秋色滿梧桐回首青山萬事空怕見鏡中新白髮長

將破帽裹西風

風捲車塵弄曉寒
天涯流落寸心丹
去年醉與茱萸別
不把今年作健看

已卯十月一日予入燕城歲月冉冉忽復周星而
予猶未得死也因賦八句

去冬陽月朔吾始至幽燕浩劫真千載浮生又一年
天南照天北山後接山前
憂裏乾坤老孤臣
雪咽氈

已卯十月五日予入燕獄今三十有六旬感興一

首

石晉舊燕趙鍾儀新楚囚
山河千古痛風雨一年周
過鴈

催人老寒花送客愁捲簾雲滿坐抱膝意悠悠

去年十月九日余至燕城今周星不報爲賦長句
君不見常山太守罵羯奴天津橋上舌盡剝又不見睢陽
將軍怒切齒三十六人同日死去冬長至前一日朔庭呼
我弗爲屈丈夫開口卽見膽意謂生死在頃刻赭衣冉冉
生蒼苔書雲時節忽復來鬼影青燈照孤坐夢啼死血丹
心破只今便作渭水囚食粟已是西山羞悔不當年跳東
海空有魯連心獨在

冬至

書雲今日事夢破曉鳴鍾家禍三生劫年愁兩度冬江山

乏小草霜雪見孤松春色蒙泉裏煙蕪幾萬重

戊寅臘月二十日空坑敗被執于今二周年矣感

懷八句

橫磨十里坐無謀回首蹉跎海上州大傅祗圖和藥了將
軍便謂斫頭休乾坤顛倒真千劫身世留連復一周一死
到今如送佛空牕淡月夜悠悠

得兒女消息

故國斜陽草自春爭元作相總成塵孔明已負金刀志元
亮猶憐典午身骯髒到頭方是漢娉婷更欲向何人癡兒
莫問今生計還種來生未了因

除夜

庚辰

門揜千山黑孤燈伴不眠故鄉在何處今夕是窮年住世
真無係爲囚已自然勞勞空歲月得死似登仙

歲暮難爲客天涯况是囚乾坤還許大歲月忽如流夢過
元無夢憂多更不憂屠蘇兒女態肯作百年謀

元日

辛巳

金虬嘶日出鐵騎勒春回天上青門隔人間白髮催霜寒
欺舊草山晚放新梅環堵茸牢落東風枉却來

慙愧雲臺客飄零雪滿羶不圖朱鳥影猶見白蛇年宮殿
荒烟隔門庭宿草連乾坤自春色回首一潸然

初六日卽事

車馬燕山開誰家早管絃開門忽見雪擁被不知年篋破
書猶在爐殘火復燃偷挑昨日事回首哭堯天

人日

今年是蛇年此日是人日江右一龍鍾山中舊佔俾獨坐
守大玄一笑發狂疾悠悠王正意哀涕感麟筆

自歎

功業羞前輩形骸感故吾屢判嵇紹血幾無慶公鬚落落
惟心在蒼蒼有意無江流總遺淚何止失吞吳

元夕

燈火喧三市衣冠宴九宸金吾不禁夜公子早行春夢斷
青山遠愁侵白髮新燕山今夕月清影伴孤臣

飄零竟如此元夕幾堪憐南國張燈火燕山沸管絃相思
雲萬里剩看月三年笑與東風道浮生信偶然

先太師忌日

五月二十八日

萬里先人忌呼號痛不天遺孤餘二紀曠祀忽三年永恨
丘園隔遙憐弟妹圓義方如昨日地下想欣然

上巳

予自丙子上巳日真州屏之城門外于今憂患通六年
俯仰時節爲之慨然

昔自長淮樹去帆今從燕薊眺東南泥沙一命九分九風
雨六年三月三地下故人那可作天涯遊子竟何堪便從
餓死傷遲暮面對西山已發慚

寒食

予不登丘隴拜清明寒食八年矣癸酉湖南甲戌乙亥
章貢丙子淮東丁丑梅州戊寅麗江浦庚辰燕山獄中
今辛巳猶未得死和上巳韻寫懷

苦海周遭斷去帆東風吹淚向天南龍蛇澤裏清明五燕
雀籠中寒食三撲面風沙驚我在滿襟霜露痛誰堪何當
歸骨先人墓千古不爲丘首慚

覽鏡見鬚髯消落爲之流涕

萬里飄零等一毫
滿前風景恨滔滔
淚如杜宇喉中血
鬚似蘇郎節上旄
今日形骸遲一死
向來事業竟徒勞
青山是我安魂處
清夢時時賦大刀

自歎

門揜牢愁白日過
不應老子坐婆婆
娑雖生得似無生好
欲死其如不死何
王蠋高風真可挹
魯連大節豈容磨
東流不盡銅駝恨
四海悠悠揔一波

端午初度

死所初何怨
生朝只自知
頗懷常杖意
忍誦蓼莪詩
浮世

百年夢高人千載期楚囚一杯水勝似九霞卮
向來松下鶴今日傍誰門夢見瑤池沸愁看王壘昏所思
多死別焉用獨生存可惜菖蒲老風烟滿故園

端午卽事

五月五日午贈我一枝艾故人不可見新知萬里外丹心
照夙昔鬢髮日已改我欲從靈均三湘隔遼海

感傷

家國傷水泮妻孥歎陸沉半生遭萬劫一落下千尋各任
而曹命那知吾輩心人誰無骨肉恨與海俱深

五月十七夜大雨歌

去年五月望流水蒲一房今年後三夕大雨復沒床我辭
江海來中原路茫茫舟楫不復見車馬馳康莊矧居園土
中得水猶得漿忽如避巨浸倉卒殊徬徨明星尚未啓大
風方發狂叫呼人不鷹宛轉水中央壁下有水穴羣鼠走
踉蹌或如魚潑刺墊溺無所藏周身莫如物患至不得防
業爲世間人何處逃禍殃朝來闢溝道宛如決陂塘盡室
泥淖塗化爲糜爛場炎蒸迫其上臭腐薰其傍惡氣所侵
薄疫癘何可當楚囚欲何之寢食此一方
坐
待什且僵乾坤莽空濶何爲此凉凉達人識義命此事關
綱常萬物方焦枯皇皇禱穹蒼上帝實好生夜半下龍章

但願天下人家足稻梁我命渾小事我死庸何傷

築房子歌

自予居狴狴一室以自治二年二大雨地汙實成池圉人
爲我惻畚土以築之築之可二尺宛然水中坻初運朽壤
來臭穢恨莫追掩鼻不可近牛皂鷄干峙須臾傳黑墳千
杵鳴參差但見如坻平糞土不復疑乃知天下事不在論
鎡基苟可掩耳目臭腐誇神奇世人所不辨羊質而虎皮
大者莫不然小者又何知深居守我玄默觀道推移何時
蟬蛻去忽與濁世違

七月二日大雨歌

燕山五六月氣候苦不常積陰絲五旬畏景淡無光天漏
比西極地濕等南方今何苦常雨昔何苦常暘七月二日
夜天工爲誰忙浮雲黑如墨飄風怒如狂滂沱至夜半天
地爲低昂勢如蛟龍出平陸俄懷襄初疑倒巫峽又似翻
瀟湘千門各已閉仰視天茫茫但聞屋側聲人力無支當
嗟哉此圜土占勝非高岡赭衣無容足南房并北房北房
水二尺聚立唯東廂桎梏猶自可凜然覆窮墻嘈嘈復雜
雜丞汗流成漿張目以待旦沈沈漏何長南冠者爲誰獨
居沮洳場此夕水彌滿浮動八尺床壁老如欲壓守者殊
皇皇我方鼾鼻睡逍遙遊帝鄉百年一大夢所歷皆黃梁

死生已勘破身世如遺忘雄鳴叫東白漸聞語聲揚論言
苦飄蕩形勢猶倉皇起來立泥塗一笑褰衣裳遺書宛在
架吾道終未亡

詠懷

陰陽相烹煎天地一釜瀉人生居其間便同肉在砧熱猶
以火燎濕猶以湯潄一歲一煨煉老形忽駸駸吾生四十
六弱質本不任矧當五六年患難長侵尋子卿羝羊節少
陵杜鵑心酷罰毒我膚深憂煩我襟嗟嗟夏涉秋天道何
其淫或時日杲杲或時雨淋淋方如坐烝甑又似立烘燧
水火交相禪益熱與益深宛轉兒戲中日夜空呻吟何如

真鼎鑊殊我一寸金脫此寒暑殼誰能復嘔嗽

移後卽事

自大雨後兵馬司墻壁頽落地皆沮洳囚不可居七月五日移司官籍監予以詰朝行詩以記之

燕山積雨泥塞道大屋欹傾小屋倒赭衣棘下無容色倉卒移司避流潦行行桎梏如貫魚憐我龍鍾遲明早我來二十有一月若書下下幾二考夢回恍憶入新衙不知傳舍何時了

痴兒了家事九牛一毛亦云小天門皇皇

虎豹立下土孤臣泣雲表莫令赤子盡爲魚早願當空口

杲杲

宮籍監

兵馬司移寓宮籍監予監一室頗瀟洒明窓淨壁樹影
橫斜可愛也賦五絕

塵滿南冠歲月深
斲移一室倚旃林
天憐元是青山客
分與窓根兩樹陰

壁間頗自有龍蛇
元是誰人小住家
不似爲囚似爲客
倚窓望斷暮天涯

曾過盧溝望塔尖
今朝塔影接虛簷
道人心事真方丈
靜坐日長雲滿簾

軍衙馬足起黃埃
門揜西風夢正回
自入燕關人世隔
隔

文山全集 卷之三
三
墻忽送市聲來

新來窓左頗玲瓏
盡把前時臭腐空
好醜元來都是幻
遽廬一付夢魂中

還司卽事

兵馬司苦於地窄
其東備有大宅官買之以廣治所
舊廳事遂爲空閑
七月十一日因自宮籍監悉歸獄
舊廳事之西有一室處予其間
其地高燥而空涼蕭然獨往
寂無來人又一境界也
五言八句二首

幙燕方如寄屠羊
忽復旋霜枝空獨立
雪窖已三遷
漂泊知何所
逍遙付自然
庭空誰共語
柱頰望青天

秋聲滿南國一葉自飄蓬
墻外千門迴庭舉四壁空
誰家驢吼月隔巷犬嗥風
燈暗人無寐沉沉夜正中

還獄

予自宮籍監還兵馬司止予舊廳事西偏之室獄戶旣
葺以八月七日復返故處向之所謂吳腐濕蒸依然故
在回視吾所挾亦浩然而獨存作古風一首

人情感故物百年多離憂
葉下住三宿應者猶遲留
矧茲方丈室屏居二春秋
夜眠與晝坐墮乎安楚囚
自罹大雨水園土俱盪舟
此身委傳舍遷徙無定謀
去之已旬月宮室重綢繆
今夕果何夕復此搔白頭
恍如流浪人一旦歸

舊遊故家不可復故國已成丘對此重回首汪然涕泗流
人生如空花隨風任飄浮哲人貴知命樂天復何求

先兩國初忌

九月七日

北風吹黃花落木寒蕭颼哀哀我慈母王化交海秋日月
水東流音容隔悠悠小祥哭下邳太祥哭幽州今此復何
夕荏苒三星周嗟哉不肖孤宗職曠不脩昔母肉未寒委
身墮寇讎仰藥早云遂庶從地下遊太阿落人手死生不
自由南冠坐絕域大期落淹留白華下玄髮碧蘚生緇裘
心口自相語形影旁無儔空庭鬼火閬天黑對牢愁魚軒
在何處魂魄今安否兒女各北歸墳墓委南甌寒食雨淒

凄玉飯誰與投荆棘纏蔓草狐兔緣荒丘長夜良寂寞與
我同幽幽我心亦勞止我命實不猶昨夕夢堂上樂昔歡
綢繆覺來尚恍惚血涕連衾裯晨興一辨香痛如螫在頭
吾家白雲下萬里同關憂遙憐弟與妹几席羅庶羞旣傷
母在殯又念兄在囚兄囚不足念母亦爲母謀三聖去已
遠穹垠莽洪流緬懷百世慮白骨空填溝冥冥先大夫鬱
鬱蒼松楸防山迄合塋瞑目復何求

重陽

萬里飄零兩鬢蓬故鄉秋色老梧桐鴈棲新月江湖蒲燕
別斜陽巷陌空落葉何心定流水黃花無主更西風乾坤

文山全集 卷之十三 十四
遺恨知多少前日龍山如夢中

又三絕

世事濛濛醉不知南山秋意滿東籬黃花何故無顏色應
爲元嘉以後詩

人間萬事轉頭空皂帽飄蕭一病翁不學孟嘉狂落魄故
將白髮向西風

老來憂患易淒涼說到悲秋更斷腸世事不堪逢九九休
言今日是重陽

小年

燕朔逢窮臘江南拜小年歲時生處樂身世死爲緣鴉噪

千山雪鴻飛萬里天出門意寥廓四顧但茫然

除夜

乾坤空落落歲月去堂堂末路驚風雨窮邊飽雪霜命隨
年欲盡身與世俱忘無復屠蘇夢挑燈夜未央

壬午

丙子上巳前二日子至真州今仰俯六周至矣撫時念
事爲之流涕聊寫我心質諸鬼神爾

憶昔三月朔歲在火鼠鄉朝登迎奎鎮夜宿清邊堂于時
空飈霧陽精黯無芒胡羯犯彤宮大戎升御床慘淡銅駝
泣威垂朱鳥翔我欲疏河嶽借助金與湯吾道率曠野繞

樹空徬徨慷慨撫鰲背艱關出羊腸扶日上天門隨雲拜
 東皇祖逖誓興晉鄭畋義扶唐人謀豈云及天命不干常
 泗水沉洛鼎薊丘植汶篁瑤宮可敦后王陞單于王革命
 曠千古被髮縣人荒海流忽西注天旋俄右方嗟予俘為
 首萬里勞梯航秋風上甌脫夜雪卧桁楊南冠鄭大夫北
 空蘇中郎龍蛇共窟穴蟻蝨連衣裳周旋溲渤間宛轉沮
 梁塲漠漠蒼天黑悠悠白日黃風埃滿沙漠歲月稔星霜
 地下雙氣烈獄中孤憤長唯存葵藿心不改鐵石腸斷舌
 帝山抉齒厲睢陽此志已溝壑餘命終岩墻夷吾不可
 卬連义云亡王衍勸石勒馮道朝德光末俗正應靡橫

流已湯湯餘子不足言丈夫何可當出門仰天笑雲山浩
蒼蒼

生日

憶昔閑居日端二逢始生升堂拜親壽摳衣接賓榮載酒
出郊去江花相送迎詩歌和盈軸鏗戛金石聲于時果何
時朝野方休明人生足自樂帝力無能名譬如江海魚與
水俱忘情詎知君父恩天地同生成旄頭忽墮地氛霧迷
三精黃屋朔風捲園林殺氣平四海靡所騁三年老子行
賓僚半蕩覆妻子同飄零無幾哭慈母有頃遭潰兵束兵
獻穹帳囚首送空囹痛甚衣冠烈甘於鸚鵡烹死生久已

定寵辱安足驚不圖坐羅網四見槐雲青朱顏日復少玄
髮益以星往事真蕉鹿浮名一草螢牢愁寫玄語初度感
騷經朝登蓬萊門暮涉芙蓉城忽復臨故國摇摇我心旌
想見家下人念我涕爲傾交朋說疇昔惆悵鷄豚盟空花
從何來爲吾舞娉婷莫道無人歌時鳥不可聽達人貴知
命俗士空勞形吾生復安適挂頰觀蒼冥

端午

五月五日午薰風自南至試爲問大鈞舉杯三酹地田文
當日生屈原當日死生爲薛城君死作汨羅鬼高堂狐兔
遊雍門發悲涕人命草頭露榮華風過爾唯有烈士心不

隨水俱逝至今荆楚人江上年年祭不知生者榮但知死者貴勿謂死可憎勿謂生可喜萬物皆有盡不滅唯天理百年如一日一日或千歲秋風汾水辭春暮蘭亭記莫作留連悲高歌舞槐翠

自歎

三首

猛思身世事四十七年無鶴髮俄然在鸞飛久已殂二兒化成土六女掠爲奴只有南冠在何妨是丈夫

北轍更寒暑南冠幾晦冥家山時入夢妻子亦關情惆悵心如失崎嶇命復輕遭時命如此薄分笑三生

疾病連三次形容落九分幾成白宰相誰識故將軍暗坐

羞紅日閑眠想白雲蒼蒼竟何意未肯喪斯文

病目

近來煩惱障左目忽茫茫聶政心雖碎劉伶醉未忘問天不應食日日何傷萬想由來假收拾太乙光

向來巖下電無故眩生花達磨面向壁盧仝塌沙燈前

心欲碎鏡裏鬢空華何日看明月沈沈斗柄斜

先生自叙指南後錄三卷以庚辰元日爲始舊刻雜入吟嘯集中漫不可考鳳儀翻閱數四稍爲次其年月而摘其吟詠瀟灑脫然於死生之際者爲吟嘯集云後學安成曾鳳儀謹識

宋丞相文山先生全集卷之十三

吟嘯集

正氣歌

予囚北庭坐一土室室廣八尺深可四尋單扉低小白
間短窄汗下而幽暗當此夏日諸氣萃然雨潦四集浮
動床几時則爲水氣塗泥半朝蒸漚歷瀾時則爲土氣
乍晴暴熱風道四塞時則爲日氣簷陰薪爨助長炎虐
時則爲火氣倉腐寄蝨陳陳逼人時則爲米氣駢肩雜
暹腥臊汗垢時則爲人氣或圍溷或毀屍或腐鼠惡氣
雜出時則爲穢氣疊是數氣當侵沴鮮不爲厲而予以

文山全集 卷之十二
孱弱俯仰其間于茲二年矣無恙是殆有養致然然爾
亦安知所養何哉孟子曰我善養浩然之氣彼氣有七
吾氣有一以一敵七吾何患焉况浩然者乃天地之正
氣也作正氣歌一首

天地有正氣雜然賦流形下則爲河嶽上則爲日星於人
曰浩然沛乎塞蒼冥皇路當清夷含和吐明庭時窮節乃
見一一垂丹青在齊大史簡在晉董狐筆在秦張良椎在
漢蘇武節爲嚴將軍頭爲嵇侍中血爲張睢陽齒爲顏常
山舌或爲遼東帽清操厲冰雪或爲出師表鬼神泣壯烈
或爲渡江楫慷慨吞胡羯或爲擊賊笏逆豎頭破裂是氣

所旁薄凜烈萬古存當其貫日月生死安足論也維賴以
立天柱賴以尊三綱實係命道義爲之根嗟予遘陽九隸
也實不力楚囚纓其冠傳車送窮北謁鏤甘如飴求之不
可得陰房闐鬼火春院闕天黑牛驥同一皂鷄棲鳳凰食
一朝濛霧露分作溝中瘠如此再寒暑百沴自辟易嗟哉
沮洳塲爲我安樂國豈有他緣巧陰陽不能賊願此耿耿
在仰視浮雲白悠悠我心悲蒼天曷有極哲人日已遠典
刑在夙昔風簷展書讀古道照顏色

遇靈陽子談道贈以詩

昔我愛泉石長揖離公卿結屋青山下咫尺蓬與瀛至人

不可見世塵忽相纓業風吹浩劫蝸角爭浮名偶逢大呂翁
如有宿世盟相從語寥廓俯仰萬念輕天地不知老日月
交其精人一陰陽性本來自長生指點虛無間引我歸
圓明一針透頂門道骨由天成我如一逆旅久欲躡屩行
聞師此妙訣遽廬復何情

歲祝犁單閏月赤奮若日焉逢涸灘遇異人指示
以大光明正法 於是死生脫然若遺矣作五言
八句

誰知真患難忽悟大光明日出雲俱靜風消水自平功名
幾滅性忠孝大勞生天下惟豪傑神仙立地成

庚辰四十五

東風昨夜忽相過
天地無情奈老何
千載方來那有盡
百年未半已爲多
君傳南海長生藥
我愛西山餓死訶
泡影生來隨自在
悠悠不管世間魔

蚤秋

寒魄澹玄河
商飈慄明祭
羈人坐環堵
壯士衣穿褐
晉陵誰復新
秦陵尚云秣
夫君百世心
患不在饑渴

偶成

昨朝門前地寸裂
今朝床下泥尺深
人生世間一蒲柳
豈堪日炙復雨淋
起來高歌離騷賦
睡去細和梁父吟
已矣

已矣尚何道猶有天地知吾心

感興

萬里雲山斷客魂浮雲心事向誰言月侵鄉夢夜推枕風
送牢愁晝掩門蘇子窖中閑日月石郎家裏舊乾坤朝聞
夕死吾何恨坐把春秋子細論

東風吹草日高眠試把平生細問天燕子秋迷江右月杜
鵑聲破洛陽煙何從林下尋元亮只向塵中作魯連莫笑
道人空打坐英雄收歛便神仙

自遣

詩餘眠白日飲後坐清風萬事乘除裏平生寵辱中心無

隨竟變意自與天通莫笑邯鄲夢惺惺更是空

有感

石郎草草割山川一落人手三百年八州風雨暗連天二
皇五帝如飛烟人人野祭伊水邊春秋斷爛不復傳白頭
潦倒今魯連夜深危坐日晏眠

聞李萬至

去年別我旋出嶺今年汝來亦至燕弟兄一囚一乘馬同
父同母不同天可憐骨肉相聚散人間不滿五十年三人
生死各有意悠悠白日橫蒼煙

自述

赤舄登黃道朱旗上紫垣有心扶日月無力報乾坤往事
飛鴻渺新愁落照昏千年滄海上精衛是吾魂

不睡

終夕起推枕五更聞打鐘精神入朱鳥形影落盧龍弭節
蓬萊島揚旗大華峯奔馳竟何事回首謝喬松

冬晴

北國天寒少南方地氣來年光如箭去世事正輪迴可恠
新祈雪相思久別梅夜闌燈坐暗獨自撥殘灰

自歎

可憐大流落白髮曾連翁每夜瞻南斗連年坐北風三生

遭際處一死笑談中贏得五十年在丹心射碧空

讀赤壁賦前後二首

昔年仙子謫黃州赤壁磯頭汗漫遊今古興亡真過影
軋坤俯仰一虛舟人間憂患何曾少天上風流更有不我亦
洞簫吹一曲不知身世是蜉蝣

一笑滄波浩浩流隻鷄斗酒更扁舟八龍寫作詩中案孤
鶴來爲夢裏遊楊柳遠烟連北府蘆花新月對南樓玉仙
來往清風夜還識江山似舊不

讀史

自古英雄士還爲薄命人孔明登四十韓信過三旬壯志

摧龍虎高訶泣鬼神一朝事千古何用怨青春

自述二首

當年嚼血灑銅駝風氣悠悠柰若何漢賊已成千古恨楚
囚不覺二年過古今咸道天驕子老去忽如春夢婆試把
睢陽雙廟看只今事業愧蹉跎

江南啼血送殘春漂泊風沙萬里身漢宋固應多死士周
餘乃止一遺民乍看鬚少疑非我只要心存尚是人坐擁
牢愁書眼倦土床伸脚任吾真

不睡

頻搔白首強憂煎細雨青燈思欲顛南北東西三萬里古

今上下幾千年只因知事翻成惱未到放心那得眠眼不
識丁馬前卒隔床鼾鼻正陶然

夜起二絕

惆悵高歌入睡鄉夢中魂魄尚飛揚起來露立頻搔首夜
靜無風自在涼

二年獨立已成僧欲與何人說葛藤夜夜隔墻囚叫佛三
生因果伴孤燈

偶成

蒼蒼已如此梁父共誰吟袖有忠臣傳床無壯士金收心
歸寂滅隨性過光陰一笑西山晚門前秋雨深

送武夷趙王賓道士

風流不比賀家狂，瀟洒黃冠意自長。
自有武夷溪九曲，鑑湖何必問君王。

蕭然被褐不求知，歸傍仙船理釣絲。
却笑荆山空自售，未應有智不如葵。

懶從原上訪桃花，又不青門去種瓜。
傳得神仙蟬蛻法，君如欲覓問烟霞。

琴棋書畫四首送趙道士

不知甲子是何年，題滿柴素日醉眠。
意在不言君解否，壁間琴本是無絃。

我愛商仙茹柴芝
逍遙勝似橘中時
紛紛赤白方龍戰
世事從來一局棋

蔡邕去後右軍死
誰是風流入品題
只有蛟龍大師字
至今風骨在涪溪

欲覓龍泉舊時筆
相傳此手世間無
黃金不買昭君本
只買嚴陵歸釣圖

讀杜詩

平生蹤跡只奔波
偏是文章被折磨
耳想杜鵑心事苦
眼看胡馬淚痕多
千年夔峽有詩在
一夜耒江如酒何
黃土一丘隨處是
故鄉歸骨任蹉跎

夜

秋光連夜色萬里客淒淒落木空山杳孤雲故國迷衾寒
霜正下燈晚月平西夢過重成夢千門鷄亂啼

雨雪

秋色金臺路殷勤半馬蹄因風隨作雪有雨便成泥過眼
驚新夢傷心憶舊題江雲愁萬疊遺恨鷓鴣啼

偶成

燈影沉沉夜氣清朔風吹夢度江城覺來知打明鍾未忽
聽憐家叫佛聲

烏兔東西不住天人人生奔走亦茫然向來鞅掌真堪笑爛

燭如今獨自眠

上塚吟

湘人有登科者初授武岡尉單車赴官守名家正擇婿
尉本有室隱其實而取焉官滿隨婦翁入京自是捨業
梓去墳墓終身不歸後官至侍從其糟糠妻居母家不
復嫁歲時爲夫家上塚婦禮不廢友人作古詩一首曰
上塚吟某讀之爲之感慨因更廣其意賦五言一篇

余昔從君時堂上拜姑嫜相携上祖塚歲時持酒漿姑嫜
相繼沒馬鬣不在鄉共君甌盃飯清涕流襦裳君貧初赴
官有家不得將妾無應書兒松檟自成行君別不復歸歲

月何茫茫長安擁朱綬執鴈事侯王豈無一帑書道路阻
且長年年耐寒食妾心良自傷君家舊巾櫛至今襲且藏
諒君霜露心白首遙相望

西瓜吟

拔出金佩刀斫破蒼玉瓶千點紅櫻桃一團黃水晶下咽
頓除煙火氣入蔗便作冰雪聲長安清富說邵平爭如漢
朝作公卿

有感

已矣勿復道安之如自然閑陪黃妳坐倦退白衣眠一死
知何地此生休問天恠哉茨野客宿果墮幽燕

爲或人賦

悠悠成敗百年中
笑看柯山局未終
金馬勝遊成舊雨
銅駝遺恨付西風
黑頭爾自誇江總
冷齒人能說褚公
龍首黃扉真一夢
夢回何面見江東

世事

世事孤鴻外
人生落日西
碁湑詩興薄
書倦夢魂迷
汨汨馳還坐
悠悠笑卽啼
一真吾自得
開眼總筌蹄

斷鴈

斷鴈西江遠
無家寄萬金
乾坤風月老
沙漠歲年深
白日去如夢
青天知此心
素琴絃已絕
不絕是南音

有感

心在六虛外不知身網羅
病中長日過夢裏好時多
夜夜頻能坐時時亦自歌
平生此光景回首笑呵呵

感懷二首

交遊兵後似蓬飛
流落天涯鵲繞枝
唐室老臣唯我在
柳州先友託誰碑
泥塗猶幸瞻佳士
茸雨何如遇故知
一死一生情義重
莫嫌收拾老牛屍

伏龍欲夾太陽飛
獨柱擎天力弗支
北海風沙漫漢節
涪溪烟雨暗唐碑
書空已恨天時雨
惜往徒懷國士知
抱膝對人復何語
紛紛坐冢卧爲屍

梅

梅花耐寒白如玉干涉春風紅更黃若爲司花示薄罰到底不能磨滅香

又

香者梅之氣白者梅之質以爲香不香鼻孔有通窒我有天者在一白自不易古人重伐木惟恐變顏色天雅久不作此道豈常息詩翁言外意不能磨滅白

題延真羅道士玉澗

雙岩夾方流知有至妙蘊山石發清暉草木得餘潤泉源皆寶氣樵牧駭潛蜃仙翁獨危坐華池養水性神澤温而

栗骨峭老益勁苔機枕泓碧時有魚出聽糜瓊飯潺湲冲
淡意無朕

聽羅道士琴

斷厓千仞碧下有寒泉落道人揮絲桐清風轉寥廓飄飄
襟袂舉冰紈不禁薄紫煙護丹霞雙舞天外鶴

吾聞泗濱磬暗含角與徵又聞天樂泉淨洗箏笛耳如何
碧一泓乃此并二美藍田滄海意請問玉溪子

貧女吟四首

春夏
秋冬

柴門寒自閉不識賞花心春筍翠如玉爲人拈繡針
竹扇掩紅顏辛苦紉白宁人間羅雪香白宁汗如雨

西風兩鬢鬆涼意吹伶俜百巧不救貧誤拜織女星
巧梳手欲冰小顰爲寒怯有時衿肘露頗與雪爭潔

名姝吟

丈夫至白首鍾鼎垂功名未有朱門中而無絲竹聲與主
共富貴不見主苦辛名姝從何來婉孌出神京京人薄生
男生女即不貧東家從王侯西家事公卿吾行天下多朱
紫稀晨星大都不一一甚者曠數城如何世上福冉冉歸
娉婷乃知長安市家家生貴人

東方有一士

萬金結遊俠千金買歌舞丹青映第宅從者塞衢路身爲

文山全集 卷之三
他人役名聲落塵土他人一何傷富貴還自苦東方有一
士敗垣半風雨不識絲與竹飛雀滿庭戶一敗或不飽夜
夢無驚寤此事古來多難與俗人語

陳貫道摘坡詩如寄以自號達者之流也爲賦浩

浩歌一首

浩浩歌人生如寄可奈何春秋去來傳鴻燕朝暮出沒奔
羲娥青絲冉冉上霜雪百年歛若彈指過封侯未必勝瓜
圃青門老子聊婆娑江湖流浪何不可亦曾力士爲脫靴
清風明月不用買何處不是安樂窩鶴脰豈長鳧豈短夔
足非少蜃非多浩浩歌人生如寄可奈何不能高飛與遠

舉天荒地老懸網羅到頭北邙一杯土萬事碌碌空奔波
金張許史久寂寞古來賢聖聞丘軻乃知世間爲長物惟
有真我難滅磨浩浩歌人生如寄可奈何春夢婆春夢婆
拍手笑呵呵是亦一東坡非亦一東坡

所懷

萬里青山兩鬢華老臣無國又無家乾坤局促籠中鳥風
雪飄零糞上花歲晚江空人已逝天寒日短路何賒書生
不作網常計聞是東門已種瓜

五月二日生朝

北風吹滿楚冠塵笑捧蟠桃夢裏春幾歲已無籠鶴客去

年猶有送羊人江山如許非吾土宇宙柰何多此身不滅
不生 在何許靜中聊且養吾真

胡笳曲

庚辰中秋日水雲慰予囚所援琴作胡笳十八拍取予
疾徐指法良可觀也琴罷索予賦胡笳詩而倉卒中未
能成就水雲別去是歲十月復來予囚集老杜句成拍
與水雲共商畧之蓋囹圄中不能得死聊自遣耳亦不
必一一學琰語也水雲索予書之欲藏於家故書以遺
之浮休道人文山

風塵瀕洞昏王室天地慘慘無顏色而今西北自反胡西

望千山萬山赤歎息人間萬事非被驅不異犬與鷄不知
明月爲誰好來歲如今歸未歸

右一拍

獨立縹緲之飛樓高視乾坤又可愁江風蕭蕭雲拂地笛
聲憤怒哀中流鄰鷄野哭如昨日昨日晚晴今日黑倉皇
已就長途往欲往城南忘南北

右二拍

三年奔走空皮骨三年笛裏關山月中天月色好誰看豺
狼塞路人烟絕寒刮肌膚北風利牛馬毛零縮如蝟塞上
風雲接地陰咫尺但愁雷雨至

右三拍

黃河北岸海西軍翻身向天仰射雲胡馬長鳴不知數衣
冠南渡多崩奔山木慘慘天欲雨前有毒蛇後猛虎欲問
長安無使來終日戚戚忍羈旅

右四拍

北庭數有關中使飄飄遠自流沙至胡人高鼻動成羣仍
唱胡歌飲都市中原無書歸不得道路只今多擁隔身欲
奮飛病在床時獨看雲淚沾臆

右五拍

胡人歸來血滿箭白馬將軍若雷電蠻夷雜種錯相干浴

陽宮殿燒焚盡干戈兵革鬪未已魍魅魍魎徒爲爾慟哭
秋原何處村千村萬落作荆杞

右六拍

憶昔十五心尚孩莫恠頻頻勸酒杯孤城此日腸堪斷如
何不飲令人哀一去紫臺連朔漠月出雲通雪山白九度
附書歸洛陽故國三年一消息

右七拍

只今年纔十六七風塵荏苒音書絕胡騎長驅五六年弊
裘何啻連百結愁對寒雲雪滿山愁看冀北是長安此身
未知歸定處漂泊西南天地間

右八拍

午夜漏聲催曉箭寒盡春生洛陽殿漢主山河錦繡中可
惜春光不相見自胡之反持干戈一生坎壈空咨嗟我已
無家尋弟妹此身那得更無家南極一星朝北斗每依南
斗望京華

右九拍

今年鵬月凍全消天涯涕淚一身遙諸將亦自軍中至行
人弓箭各在腰白馬嚼嚙黃金勒三尺角弓兩斛力胡鴈
翅濕高飛難一箭正墜雙飛翼

右十拍

冬至陽生春又來口雖吟咏心中哀長笛誰能亂愁思呼
兒且覆掌中杯雲白青山萬餘里壁立石城橫塞起元戎
小隊出郊垆天寒日暮山谷裏

右十一拍

洛陽一別四千里邊庭流血成海水自經喪亂少睡眠手
腳凍皴皮肉死反鎖衡門守環堵稚子無憂走風雨此時
與子空歸來喜得與子長夜語

右十二拍

大兒九齡色清徹驕騮作駒已汗血小兒五歲氣食牛冰
壺玉衡縣清秋罷琴惆悵月照席人生有情淚沾臆離別

又山全集 卷之十三
不堪無限意更爲後會知何地酒肉如山又一時只今未
醉已先悲

右十三拍

北歸秦川多鼓輦禾生隴畝無東西三步回頭五步坐誰
家搗練風淒淒已近苦寒月慘慘中腸悲自恐二男兒不
得相追隨去留俱失意徘徊感生離十年蹴踘將雛遠目
極傷神誰爲携此別還須各努力無使霜露沾人衣

右十四拍

寒雨颯颯枯樹濕坐卧只多少行立青春欲暮急還鄉非
關使者徵求急欲別上馬身無力去住彼此無消息關塞

蕭條行路難行路難行澁如棘男兒性命絕可憐十日不
一見顏色

右十五拍

乃知貧賤別更苦况我飄轉無定所心懷百憂復千慮世
人那得知其故嬌兒不離膝哀哉兩決絕也復可憐人里
巷盡嗚咽斷腸分手各風烟中間消息兩茫然自斷此生
休問天看射猛虎終殘年

右十六拍

江頭宮殿鎖千門千家今有百家存面粧首飾雜啼痕教
我歎恨傷精魂自有兩兒郎忽在天一方胡塵暗天道路

長安得送我置汝傍

右十七拍

事殊興極憂思集足繭荒山轉愁疾漢家山東二百州青
是烽烟白人骨入門依舊四壁空一斛舊水藏蛟龍年過
半百不稱意此曲哀怨何時終

右十八拍

宋丞相文山先生全集卷之十三